

JAWAPAN:

Tuan Yang di-Pertua,

Bagi menjawab soalan (a), dalam siasatan pihak polis, tiada dalang yang dikenalpasti mencetuskan pergaduhan tersebut, tetapi terjadi disebabkan khabar angin yang disebarluaskan oleh media sosial yang membangkitkan isu perkauman kononnya terjadi pergaduhan antara orang Cina dan Melayu di kompleks tersebut.

Bagi menjawab soalan (b), PDRM telah membuka tiga (3) kertas siasatan terhadap kes pergaduhan yang berlaku di Plaza Low Yat, Jalan Bukit Bintang, Kuala Lumpur pada 12 Julai 2015. Kertas-kertas siasatan yang dibuka seperti berikut:-

- 1) Berkait TH repot 23347/15 dan disiasat di bawah seksyen 380 Kanun Keseksaan, seorang individu telah ditangkap dan telah dituduh di mahkamah dan ditetapkan untuk perbicaraan pada 30 November sehingga 1 Disember 2015.**

- 2) Berkait TH repot 23377/15 dan disiasat di bawah seksyen 147/ 427 Kanun Keseksaan, seramai 5 orang individu telah ditangkap dan masih dalam siasatan.**

- 3) Berkait TH repot 23441/15 disiasat di bawah seksyen 147 Kanun Keseksaan, 4 orang individu telah ditangkap dan telah dituduh di mahkamah pada 10 Ogos 2015 di bawah seksyen 323 Kanun Keseksaan. Tiga orang tertuduh telah didenda RM1,800 setiap (Denda dibayar) dan seorang lagi tertuduh telah dibebaskan.**

Bagi mengelakkan kejadian seumpama ini berulang lagi, pihak PDRM telah mengaturkan anggota bagi membuat pemantauan serta kawalan keselamatan di kawasan tersebut dan menasihatkan orang ramai tidak mempercayai atau terpengaruh dengan khabar angin yang disebarluaskan terutama di media sosial.